

華原風土詞

附郃陽雜詩

關中叢書

華原風土詞

邠郃陽雜詩

邵力子署

陝西通志館印

關中叢書

華原風土詞一百首

南通州 顧曾烜 姓谷

耀故下縣洊立軍州旁轄六邑旣通朔徼巖易遂殊仍
區區百里一小侯耳坡阜縣屬五臺三石則呂浮屠老
子之宮登陟殊勝諸渠南注漆沮會焉利及鄰壤而害
獸中之典午以降冠帶上伐彬彬盛已近數百年顧闕
如也地尠特產居民習耕獵終歲勤勤大都成周七月
之遺茲實豳之腋云辛壬之間量迢斯土長夏輟讞拉
雜作此凡二千八百言命兒子輩檢志槩爲之旁註風
言臚聽有司事也曾烜並識

漢縣提封畧列侯黃初寘郡掎衿喉岐王墨制沿今日爭

把宜州作耀州

漢書地理志左馮翊役祔景帝二年置宋敏求長安志華原縣漢役祔地魏文帝自甯州彭原縣徙北地郡於此後魏初徙北地郡於今宜君縣於此置北雍州西魏改爲宜州又唐天祐三年李茂貞據鳳翔僭行墨制以華原縣置耀州

初爲北地後宜君義勝頻更感德軍莫道下州非赤要曾

開都府制邊紛

隋書地理志華原魏置北地郡西魏改通川郡開皇初廢唐書地理志義甯元年以華原置宜君郡長安志李茂貞置耀州建義勝軍節度梁正明元年改耀州爲崇州義勝軍爲靜勝軍後唐同光元年復爲耀州名順義軍三年降爲團練州周顯德中降爲刺史州宋開寶五年陞爲感義軍節度太平興國二年改感德軍

直北廊坊邏堠明入山孔道塞夷庚爾時儀品殊矜貴旁

縣公然轄六城

文獻通攷耀州七縣治華原領華原富平三原雲陽同官美原淳化

憲司左轄副雄藩特設參僉改北轅斗大一城風紀肅國

初猶見繡衣尊

續文獻通攷隆慶五年設左參議一員分守關內道管西安一府駐耀州汪灝續州志分守關內道駐劄耀

州康熙初年缺裁

兩乳東西勢蜿蜒中間鸛鵲谷斜連綠雲盡處重開腴城

郭田廬別一天

喬世甯州志東乳山西乳山兩山類乳形合抱州城漆沮水從山隙中出故名鸛鵲谷俗名岔口出谷口即富

平境

古柏千株翠作堆城東佳氣若浮來非關黃白飛昇事勝槩無如北五臺

喬志五臺山五山對峙頂平如臺在終南者曰南五臺此號北五臺山盡柏數十里卽望見焉

磬玉喧傳天寶昔泗濱故裂棄如遺中聲清濁持公論早有香山諷諭詩

喬志磬玉山出青石唐天寶中取爲磬其後郊廟樂遂廢泗濱磬白居易作歌曰梨園子弟調律呂知有新聲不知古又曰華原磬與泗濱石清濁兩聲誰得知蓋刺新聲不雅云

豐年比戶諡農祥寶鑑山頭夜有光更愛照金山色好照人衣袂雨中黃

喬志寶鑑山年豐則山有光如鑑州得名臣此
又照金山傳言山有光雨後映人衣如金

北去坡陀不可名眼前突兀數峯撐小三石外大三石一路香煙讚佛聲

喬志小三石山三峯屹立東爲大三石山上有勝果院宋雍熙中建

左右雙流赴尾閭名稱今古說紛如大昌雍錄分明在水
道能言四漆沮

長安志漆水自東北同官縣來經一十五里南流合沮
水沮水自西北邠州來經九十五里南流合漆水入富
平縣石川河 喬志關中言漆沮者多異惟耀州之漆
沮入渭在豐涇之下正與禹貢合詩言自土沮漆在豐
涇之上非禹貢所嘗指矣此別爲一漆沮也若洛水亦
名漆沮則以漆沮東合洛水卽通名洛水耳故自孔安
國班固以後皆曰洛卽漆沮是也至呂鄭白二渠爲漆
沮者蓋徒見二渠入石川河石川旣名漆沮遂以二渠

爲漆沮則大誤矣覽諸地志率多抵牾惟雍錄辨雍地四漆沮證據甚明

北蠻郁郢水名泥故道都堙那可稽試向桑經參鄜註黃
嶽流過塔坡西

漢志泥陽應邵曰泥水出北蠻郁郢中長安志清水
谷自西北雲陽縣來經入十里南流入三原縣畢沅註
此卽水經註黃嶽水塔坡
原卽步壽原沮水經其下

水分三谷灌諸河晝夜鳴湍石罅過巖竇誰家安礪磴傍
河廬舍昔時多

喬志瀾谷河出州西北焦砦村清谷水出州西北石門
山濁谷水出州西北甲池堡三谷水在州境皆流石峽
中石上往往有鑿孔深廣尺許問之
皆古時礪磴蹟也今皆空谷無人煙

甲池濁谷向南趨卻與諸渠支派殊欲鑿陳村三步嶺越

山引水計誠迂

喬志濁谷河在陳村嶺西澗谷河在嶺東嶺狹甚號三
步嶺濁谷下流入三原溉田澗谷經陳村南入富平所
經地皆高阜難井率曰河水爲命嘉靖初三原人欲穿
陳村嶺引澗谷水入濁谷益多溉樓底曰下田事下府
官覈議知州陳維抗言嶺狹易崩更開洞窟恐益崩陷
斷人行且山川之勢天地自然安有隔山引水爲利者
寢事遂

自昔乘城駭忍流議遷議築屢興脩百年鄣泄紆籌策矗
立金隄鎮鐵牛

乾隆二十八年巡撫鄂弼奏摺耀州城垣被漆沮二水
汕刷城根城身浸坍雖屢將城身那進一二十丈水勢
仍逼城根應於沮水分流之處堵築石隄一道再於城
西北舊有石岸處添築滾壩三道城之西南亦砌築石
隄東城之北築石滾壩三座東門以南補築長限一
道石滾壩二座均用溪中亂石祇需人工物料無幾

地脩西北儉東南土宇由來沃瘠參至竟多山兼少水陸

田什七澤田三

續志州南界富平三里東界富平十里東南界富平七
里東北界同官十五里西南界三原二十里西界淳化
五十里北界宜君同官六十里西北界三水九十里

聞說先朝革代年此畱爾界任推遷山中射獵歸來晚失

卻城南常稔田

喬志州南城外卽富平地聞父老言國初時蓋守令自
畫畱域云時州官先往西北西北皆高山林木會山人
縱獵久之比反則富平畱域定矣故富平地獨廣又獨
膏沃州域惟西北隅耳地又多山谿寡收故覽圖籍則
四之一較物力則什一也

村坊歷歷布榆躔版籍分編戶八千六里官租均六等絕

無科擾一條鞭

續志編戶凡八千三十有九城中四街戶一千六百八十五東市孝一里十一村堡戶一千一百六西中華保義二里二十村堡戶一千七百七十一南魚莊一里十七村堡戶一千六百二十六北人安泉香二里二十一村堡戶一千八百五十一又明初編一十八里後減為十四里崇禎元年州人宋師襄疏請裁去二里順治八年知州劉漢卿併十二里為六里又原額熟地三千九百九十八頃有奇內一等地九升三合二勺二等地六升六合三等地四升八合四等地三升三合五勺五等地二升三合五勺六等地八合三勺共科糧一萬二石有奇折徵銀一萬一千四百餘兩

河東鹺課賦窮檐辨別官私令最嚴每為潞綱資整頓怕人偷食柳林鹽

續志州食河東鹽歲額八百三十九引每一百二十引納課銀五十兩

衝途廚傳費經營山國遄行第一程車路不通通騎路耳

中嘈雜馱鈴聲

州北通磨延爲入山首站舊時車道可達同官中間礪路有極窄者至此卽舍車而騎矣

塘汎星聯金鎖營郊垌小隊要嚴明霜前每演驅劉禮無事防秋宿重兵

續志金鎖關營守備康熙十七年移駐耀州雍正十年改設都司馬戰兵九名守兵九十八名孝家莊獨石村唐家店柳林並有金鎖營塘

闐闐環繞綠陰中景物丰昌迥不同引到通城渠水活茜田深碧蕩田紅

喬志通城渠灌北關田入城中灌官私園田一名灑街水蓋金源故渠續志由楊家莊來者曰通城渠灌地三

頃城中書院之曲池學宮
之泮池按旬日引而注之

公府潭潭地嚮明靈符鎮宅嵌東榮望輝臺上雙燈炯丁
字街前石泰平

州署治堂後爲退思堂東有龜蛇二字碑譚真君書州
人呂爲鎮宅符者也署後望輝臺宋皇祐中築今植二
竿每夜懸燈達曙署葺丁字街度大石曰泰平石
志稱南門直對署門於法爲衝故作法厭勝云

橫舍東頭亭翼然經樓高聳北城顛每加脩葺科名盛可
有人輸光學錢

續志明萬曆中學正于廷采創建奎星亭於預宮東南
喬志儒學在北城下嘉靖三十九年知州江從春建
尊經閣閣基
高與城齊

問渠亭畔葦猗猗疊石穿池位置宜要與經生追往躅先

惠後樂秀才時

提學唐龍文正書院記宋文正范公初知邠州慶州後知耀州邠人慶人尸祝之顧耀獨闕吾思人無所繫其思矣亟葺宇以爲公祠旁爲廡令弟子肄習其中命曰文正書院續志文正書院舊在步壽原下乾隆二十二年知州侯珏卽西門布政分司廢址重建門二重後爲堂堂後植竹成林書屋三楹命曰菴猗堆石爲山西有曲池池旁爲問渠亭

觸辰卬日便滋培爲致蒙師七塾開莫笑都都平丈我就
中容有出羣才

喬志社學六里各一續志義學在書院右今州城四街及小邱柳林照金並設義塾凡七所

自古籌荒重積儲六倉義粟七千餘直須規仿淳熙法不
繇官司付土居

喬志義倉六里各一續志社倉十有一並廢今建州城
及袁家堡小王嘴白鵲寺孝家莊小邱凡六倉儲穀七
千九百八十
九石有奇

楊慎丹鉛舊說收史皇故塚在茲州鼎湖當日攀髯慕北
望橋山占一邱

楊慎丹鉛餘錄倉頡塚方輿勝覽有數
處當以關中左馮翊今耀州者爲是

宣聖西行未到秦冶長何事息車塵祇今墓道紛禽語格
磔鉤輅少解人

喬志公冶長墓在故華原縣
北然無碑舊志亦云傳疑

野廟誰知香火因千家口祝屬何人浪傳秦代銷兵處耳
食紛紛祓祓神

江鄰幾雜志耀有役祔廟疑役祔是一兵器其秦鑄兵之所乎喬志役祔廟蓋祀役祔令有遺愛者亡其名廟南有役祔塚卽其令葬處續志役祔廟在城東三里州諸生左鳴琴家藏舊記云昔年廟尚有殘碑言役祔神者趙姓名闕漢良牧也時王有難荷戈從之以馭焉王嘉其忠命立廟祀之封爲役祔神

神爵初年鳳鳥鳴齋宮蹇憺覓長生朝來步壽原頭立未有祥禽節足聲

三輔黃圖漢宣帝神爵二年鳳皇集役祔縣鳳皇集處得玉寶迺起步壽宮喬志州東一里有役祔故城今人猶曰鳳皇臺云東北一里有步壽宮州北原因名步壽原

草付衰時王氣銷榆眉羌種逞雄驍長圍四合三軍討一雨依然將卒驕

晉書前秦載記姚萇起兵北地苻堅率步騎二萬討萇斷其運水之路萇衆危惵人有激畝者俄而降雨於萇